

Ponovno uspostavljanje Otvorene linije za pomoć novinarima

OHR, Evro

OHR, Evropska komisija i OSCE najavljuju ponovno uspostavljanje Otvorene linije za pomoć novinarima (Free Media Help Line). Ovaj servis pruža pomoć novinarima i medijskim kućama, u slučajevima prijetnji, zastrašivanja ili miješanja u njihov rad. Zagarantovana je diskrecija poziva upućenih na ovaj broj telefona.

Odjel za medije OSCE-a je pokrenuo ovaj projekat u novembru 1999. godine kako bi ponudio novinarima, izloženim prijetnjama ili čak nasilju, mogućnost prijavljivanja takvih slučajeva. Do sada je prijavljeno preko 250 slučajeva i linija se pokazala uspješnom u jačanju pouzdanja novinara. Ovaj servis podstiče novinare da otvoreno i na osnovu činjenica prijave slučajeve zastrašivanja, uvjereni da takva djela počinjena protiv njih neće proći nekažnjeno. Servis je takođe obezbjedio otkrivanje sve većeg broja slučajeva kršenja prava novinara, te omogućio nadležnim agencijama da pravovremeno poduzmu odgovarajuće mjere.

Iako je OSCE prekinuo svoje aktivnosti u oblasti medija, nastavak rada Otvorene linije za pomoć novinarima je od suštinske važnosti za novinare širom Bosne i Hercegovine. OHR je preuzeo ovaj zadatak kako bi omogućio nastavak rada ovog servisa. Ovaj projekat ne bi bio moguć bez velikodušne finansijske podrške Evropske unije i Agencije za razvoj i saradnju iz Švajcarske. Cilj ovog projekta je isti – stvaranje zdravog, demokratskog i sigurnog medijskog okruženja u Bosni i Hercegovini.

Ovom prilikom želimo podsjetiti sve novinare i medijske kuće da Otvorena linija za pomoć novinarima nastavlja sa svojim radom.

Novi telefonski broj Otvorene linije za pomoć medijima je 033 217 302.

Kontakt E-mail adresa je FreeMediaHelpLine@ohr.int